

INUIT ATAQATIGIIT

Inatsisartuni



UPA 2018/153

Inatsisartut suleriasianni § 36 naapertorlugu apeqquyteqaat aallaavigalugu oqallisissiaq imaattoq matumuuna saqqummiuppara:

Apeqquyteqaat aallaavigalugu Inatsisartuni oqallisissatut siunnersuut, nunatsinni sulisussaaleqisalerneq anigorniarnissaa qanoq iliorluta aaqqissavarput?

(Inatsisartuni ilaasortaq Múte Bourup Egede, Inuit Ataqatigiit)

Ukiuni kingullerni nunatsinnit suliffissaaleqisorpassuaqarnera qanoq aaqqiivigineqassanersoq oqallisigiuarparput. Ullumikkulli unammilligassarput iliuseqarfigisariaqaligarpullu tassaalersimavoq suliffeqarfinni sulisussaaleqisalerneq.

Naatsorsueeqissaartarfiup kisitsisaatai qiviraanni juni 2018-imi suliffissarsiortutut nalunaarsimasut 2.135-upput. Suliffissaaleqisorpassuaqaraluartoq aasanerani ukiullu ingerlanerani tusarsaajuarpog suliffeqarfiit sulisussaaleqisarnerat.

Suliffissaaleqisorpassuaqaraluartoq sulisussaaleqisoqartalenera arlaatigut equngasoqarneranik inuiaqatigiittullu aaqqitassaqaarnitsinnik takussutissiisoq naqissussertariaqalerparput.

Inuusuttut 18-iniit 34-nut ukiullit juni 2018-imi 957-it suliffissaaleqisutut nalunaarsorsimapput, piffissami tassani suliffissaaleqisut 2.135-usut 45%-ingajalluinnaatut inissisimallutik. Ukioqatigiit taakku siunissami sulinermikkut inuiaqatigiinni pilersueqataallutik kivitseqataanissaat tamatsinnit neriuuteqarfigineqarluartoq qularnanngilaq. Ukioqatigiiaalli taakku suliffissaaleqisut akornanni amerlangaatsiarnerat unammilligassaqaarnitsinnik piaartumillu iliuseqartatoqatariaqarnera avaqqussinnaanngilarput.

Killiffippit apeqquterpassuarnik pilersitsivoq. Immitsinnut piumaffiginerusariaqalinnginnerpugut? Sulinerup imminut napatinnissamut tunngavissatsialaanera orniginarunnaarsimappat taava sumut killissimassaagut? Avataaniit suliartortitsisinnaanermut piumasaqaatit qasukkaavigissannginnerpagut sulisussaaleqisarneq qaangerniarlugu? Imaluunniit suliffissaaleqisutut nalunaarsorsimasut akornanni sulisinnaanngitsutut nalilerneqarsimasut imak amerlatigippat suliffissaleqisut kisitsisaanniit peeraanni sulisinnaallutik suliffissarsiortut ikitsuaranngussallutik? Taamaassimappallu suliffissaaleqisunik nalunaarsueriaaserput nutartertariaqalersimanninnerparput? Piffissanngorsimanninnerpa sulinermut, isumaginninnermut, ilinniartitaanermut allatigullu apeqqummi uani susassaqaarfiit kalluarneqartut iluanni ullutsinnut tulluunnerusumik aaqqussusseqqinnissaq?

Apeqqutit suli amerlanerit aaqqiissutaasinnaasullu oqallinnermi saqqummernissaat qularnanngilaq. Sulisussaaleqisarmermi ullumikkut ineriartoqqinnissatsinnut akimmisaartitsilersimavoq

anigaasarsiorntallu pitsaasumik ukiuni makkunani inissisimagaluartup suli siuariartortinnissaanut pakkersimaarinnilluni. Takorloorsiuk anigaasat qanoq amerlatigisut annaasarnerigut – soorlu aalisartut tunisisinnaanginnerini, sanaartortut piffissaq eqqorlugu sanaartorsinnaanginneranni – anigaasat atugarissaarnitta suli pitsaanerulernissaanut pisariaqartikkaluakkagut.

Anguniagaqarfiusumik oqallinnissassinnik kissaappassi.